

ABILTEN

REZ Regionalna razvojna agencija za regiju Centralna BiH



U ovom broju:

- PROGRAM PODRŠKE IZVOZU I TRGOVINI — SET (SUPPORT TO EXPORT AND TRADE)
- PROJEKT STARTER USPJEŠNO REALIZIRAN U OPĆINAMA NOVI TRAVNIK I ŽEPČE
- POSLOVNI SUSRETI PREDUZETNIKA BIH I HOLANDIJE U AMBASADI U HAGU
- RADIONICA NA TEMU „MARKETING“
- POSJETA AMBASADORA KRALJEVINE HOLANDIJE ZEŃIČKO-DOBOJSKOM KANTONU
- POSJETA POSLOVNE DELEGACIJE IZ REGIJE CENTRALNE BIH SAJMU WOONBEURS AMSTERDAM - HOLANDIJA
- POSJETA POSLOVNE DELEGACIJE IZ REGIJE CBiH SAJMU METALOPRERABIVAČKE INDUSTRIJE TIV HARDENBERG - HOLANDIJA
- KROZ SARADNJU PROJEKTA EURELSMED SA AGENCIJAMA NERDA, RARS, RDA MW, REDAH, REZ I SERDA SADA JE POKRENUT SISTEM VAUČERA ZA MSP
- USVOJENA STRATEGIJA RAZVOJA OPĆINE TRAVNIK ZA PERIOD OD 2011.DO 2015 GODINE
- SEMINAR ZA UPOSLENIKE OPĆINE TEŠANJ
- RADIONICE ZA NAŠE OPĆINE
- IPA PREKOGRANIČNI PROGRAM HRVATSKA-BOSNA I HERCEGOVINA 2007-2013. — DRUGI POZIV
- OBUČNA PODRUČNE ŠKOLE U HAN BILOJ
- SANACIJA PODRUČNE ŠKOLE "VINIŠTE"

PROGRAM PODRŠKE IZVOZU I TRGOVINI – SET (SUPPORT TO EXPORT AND TRADE)



REZ Agencija je u periodu od 01.05.2009. do 30.09.2011. implementirala program SET – Support to Export and Trade (Podrška izvozu i trgovini) koji je u potpunosti finansijski podržan od strane Vlade Kraljevine Holandije, a putem Ambasade Kraljevine Holandije u BiH.

Glavni cilj programa je bio unapređenje atraktivnosti i konkurentnosti regionalnog poslovnog okruženja u pogledu investicija i povećanja konkurentnosti privatnog sektora za izvoz i trgovinu.

Od velike važnosti je stvaranje poslovne klime u kojoj MSP (mala i srednja preduzeća) mogu prerasti u konkurentne firme koje su u stanju jačati trgovinu i postati istaknuti izvoznici. To su razlozi zbog kojih je ovaj program podijelio svoje aktivnosti u tri odvojena, ali međusobno povezana projekta:

- podrška razvoju poslovne infrastrukture
- razvoj konkurentnosti mikro, malih i srednjih preduzeća
- promocija izvoza, internacionalne konkurentnosti i razvoja kadrovskih potencijala

Ključni uticaj projekta SET se ogleda u boljoj poduzetničkoj klimi, razvijenijim pristupom poslovnoj infrastrukturi i poboljšanom usmjerenosti općina prema podršci malim i srednjim preduzećima, povećanom ulaganju, kako domaćem tako i stranom, te izvozu iz regije Centralna BiH.

Kapacitet općinskih timova povećan je u svim općinama u uspostavi poslovnih zona kroz prijenos znanja u izradi projekata, planske dokumentacije i promocije. Kapaciteti regionalnog ekonomskog razvoja se promoviraju na strukturirani

slovne zone

- za dvije općine je pružena podrška koja je dovela do uspostavljanja poslovnih zona (formalizirano)
- dvije općine završile su projektne aplikacije za dobivanje sredstava
- devet općina je razvilo marketinške planove za već uspostavljene poslovne zone
- jedna općina učinila je značajan napredak u uspostavljanju tehnološkog parka i dobivanju sredstava

Većina aktivnosti se vodila sa ciljem podizanja konkurentskih sposobnosti, kako regije Centralna BiH, tako i malih i srednjih preduzeća na ovome području. Pružanje različitih vrsta konsultantskih usluga, organizacije posjeta sajmovima i izlaganja na sajmovima u regiji, organizacije B2B susreta za preduzetnike, programi edukacije, uvezivanja malih i srednjih preduzeća iz BiH sa preduzećima iz Holandije, zatim mogućnosti korištenja programa za uvezivanje i investiranje Kraljevine Holandije, tačnije Ministarstava ekonomskog razvoja i privrede, koje REZ Agencija ima na raspolaganju, i koje su duži niz godina neke od značajnijih aktivnosti koje su implementirane tokom predhodnih 28 mjeseci. U narednoj tabeli izneseni su najznačajniji rezultati u ovoj oblasti:



način u smjeru privlačenja investiranja. Razvijena su tri značajna alata za uspostavljanje i promociju poslovnih zona:

“Analiza poslovne infrastrukture kao osnove za razvoj poduzetništva i privlačenja investicija u regiji Centralna BiH” objavljena je i distribuirana općinama. “Priručnik za osnivanje i upravljanje poslovnim zonama” je pripremljen i time je razvijen jedinstven i prvi dokument u BiH koji obuhvata osnivanje poslovne zone i korake upravljanja od početka pa do pune operativnosti zone. Portal za promociju investiranja u regiji Centralna BiH www.bestinvest.ba je dizajniran i u funkciji. Zabilježeno je 5.363 posjeta do kraja projekta.

Na nivou općina SET je omogućio sljedeće:

- tri općine su finalizirale plansku dokumentaciju za 3 po-

- za 797 malih i srednjih preduzeća u regiji Centralna BiH pružene su konsultantske usluge
- 96 preduzeća je “skenirano” u procesima izrade poslovnih planova, investicionih programa, projekata ili pojedinačnih analiza
- posredstvom REZ Agencije 58 domaćih preduzeća koristilo je usluge eksternih inostranih (19) ili domaćih konsultanata (39)
- 11 domaćih preduzeća je uključeno u program uvođenja ISO standarda
- za 102 preduzeća urađeni su poslovni planovi/investicioni programi/projekti/grant ili kreditne aplikacije, od čega imamo potvrdu da je do sada 50 odobreno i finasirano
- ukupna vrijednost odobrenih investicija po ovim projektima bila je 8.652.413 €, a vrijednost odobrenih kredita za realizaciju ovih investicija je iznosila 2.854.385 €
- prema ranije pomenutim projektima koje su zajedno sa predstavnicima preduzeća uradili uposlenici REZ Agencije (poslovni planovi/investicioni programi/projekti/grant ili kreditne aplikacije) omogućeno je upošljavanje 158 novih lica i zadržavanje 1.030 postojećeg uposlenika, te angažman 150 kooperanata u okviru proizvodnje jagodičastog voća
- pružena je asistencija na uspostavi poslovne saradnje i realizaciji ukupno 25 poslovnih ugovora za 23 domaća preduzeća u inicijalnoj vrijednosti Ugovora od ≈ 4.747.000 €
- uspješno su kreirana 2 pula domaćih konsultanata koji okupljaju 23 domaća konsultanta u oblastima podrške izvozu, te opštim i nekim specifičnim konsultantskim uslugama
- ukupno 50 konsultantskih usluga je pruženo za 50 domaćih preduzeća putem ova dva pula
- za aktivnu i interaktivnu podršku domaćim preduzećima kreiran je portal www.biz.rez.ba koji je od oktobra 2010. godine do danas imao 5.192 posjete

Podrška razvoju malih i srednjih preduzeća

Kroz Sporazum o partnerstvu između holandske Agencije za promociju uvoza - CBI i REZ Agencije omogućen je institucionalni razvoj Agencije za pružanje podrške preduzećima u izvoznoj promociji. 14 lokalnih izvoznih stručnjaka je obučeno, a Centar za obuku i trening izvoza definiran je u sklopu REZ Agencije i promoviran kao virtualni Izvozni Centar u okviru REZ poslovnog portala www.biz.rez.ba. Razvijen je i plasiran na "tržište" set usluga u domenu podrške potencijalnim i postojećim izvoznim kompanijama koji obuhvata 4 nova modula obuke za izvozno orjentisana preduzeća. Za 11 domaćih preduzeća urađeni su izvozni marketing planovi, a 39 ih je dobilo priliku da putem holandskog EVD programa (angažman konsultanta, istraživanje tržišta i direktno uvezivanje sa ciljanim firmama) pojavi na holandskom tržištu.

Ukupan izvoz u Holandiju u zadnje tri godine iz regije Centralna BiH računa se na cca. 42.043.420 KM (nema zvanične regionalne statistike, vlastita procjena). Vrijednost od 4.612.859 KM izvoznih ugovora predstavlja 11% od ukupnog iznosa izvoza iz regije CBiH u Holandiju. Promoviranje i spremnost na izvoz domaćih kompanija poboljšano je kroz pripremu 29 namjenski izrađenih promotivnih materijala. Posjećeno je 5 sajмова organizovani su i jedni poslovni susreti sa holandskim kompanijama. Organizovano je 18 treninga sa 354 učesnika.

Kao dodana vrijednost REZ Agencija je prikupila 230.000 KM za male projekte u zajednicama u saradnji sa dobrovoljnim nevladinim organizacijama iz Holandije za potrebe sanacija područnih škola.

Na kraju, važno je istaći da je službeni završetak SET



Sa potpisivanja Sporazuma o promociji izvoza sa 30 preduzeća, avgust 2009.

programa bio 30.09.2011. i da se tek u narednom periodu očekuju i još značajniji rezultati, značajni kako u pogledu ugovorenih poslova i aktivnosti, tako i u pogledu iznosa izvoza i investicija, a kao plod realizovanih aktivnosti tokom predhodnih 28 mjeseci implementacije SET programa.

Ukupna vrijednost programa SET je € 1.043.764,66 ili 2,041.426.24 KM. Ambasada Kraljevine Holandije u BiH je snosila troškove implementacije projekta u iznosu od € 884.960,08.

PROJEKT STARTER USPJEŠNO REALIZIRAN U OPĆINAMA NOVI TRAVNIK I ŽEPČE

Ceremonije dodjele certifikata i nagrada za najbolje poslovne planove realizovane u okviru projekta, "Starter – edukativni program za poboljšanje mogućnosti za samozapostavljanje", upriličene su 12.jula u Općini Novi Travnik i 14.jula u Općini Žepče.

Projekt je finansiran od strane Norveške Ambasade u BiH, a implementira ga REZ Agencija u partnerstvu sa općinama Busovača, Maglaj, Novi Travnik, Travnik i Žepče.



Dodjela certifikata i nagrada u Općini Žepče

Start-up fond u iznosu od po 15.000,00 KM je obezbijeđen od strane svake općine, partnera u projektu i koristi se za podršku 3 najbolja poslovna plana, i na taj način pruža podršku osnivanju novih preduzeća i otvaranju novih radnih mjesta. Najbolji poslovni planovi i dobitnici po 5.000,00 KM za pokretanje samostalnog biznisa na području Općine Novi Travnik su:

JOSIPA VIDOVIĆ	Caffe-slastičarna "Granita"
SELVEDIN PALALIĆ	Plastenička proizvodnja
HAMDO BEŠLIĆ	Poljoprivredna proizvodnja

Najbolji poslovni planovi i dobitnici po 5.000,00 KM za pokretanje samostalnog biznisa na području Općine Žepče su:

ELDIN JAKUPOVIĆ	Sigurnosni sistemi, rasvjeta – prodaja i ugradnja
MATO RADIĆ	Trgovina uredskim materijalom i kopirница
EROL VEJSELOVIĆ	Poljoprivredna proizvodnja

Ovim projektom kroz pružanje tehničke i finansijske pomoći ograničene na odabrane poslovne ideje, želimo podržati nova preduzeća kroz promociju, edukaciju i finansijsku pomoć u 5 općina regije Centralna BiH (Busovača, Maglaj, Novi Travnik, Travnik i Žepče).

POSLOVNI SUSRETI PREDUZETNIKA BIH I HOLANDIJE U AMBASADI U HAGU

U organizaciji REZ Agencije i Ambasade Bosne i Hercegovine u Hagu, 30. juna 2011. godine, u prostorijama Ambasade održan je prvi sastanak Nizozemsko-bosanske poslovne mreže NBBN (Netherlands Bosnian Business Network), koja je utemeljena sa ciljem unapređenja poslovnih veza između BiH i Kraljevine Holandije.

Nastanak same NBBN mreže je jedna u nizu aktivnosti REZ Agencije usmjerene ka povećanju izvoza iz Centralne BiH, a samim tim i povećanja zapošljavanja. Ideja o stvaranju Mreže nastala je tokom Poslovnih susreta koje je REZ Agencija organizovala u novembru 2010. godine u Zenici, kada su na jednom mjestu okupljeni predstavnici 13 holandskih i preko 50 domaćih preduzeća.

U radu sastanka, održanog u Hagu, sudjelovali su poduzetnici, predstavnici 29 preduzeća iz Holandije, predstavnici 5 preduzeća iz BiH, te suosnivači NBBN-a mreže, g. Wouter Put, CBI expert i g. Paul Verlinden generalni sekretar Kraljevskog udruženja metalopereračivača Holandije, METAALUNIE.

Prisutnima su se obratili ambasadorica BiH u Holandiji gđa. Miranda Sidran Kamišalić i ambasador Kraljevine Holandije u BiH g. Sweder van Voorst tot Voorst, koji su istakli važnost izgradnje pozitivnog imidža BiH i uklanjanja administrativnih prepreka u cilju uspostavljanja jačih privrednih veza između dvije zemlje, te su na tom planu obećali punu podršku aktivnostima NBBN-a.

RADIONICA NA TEMU „MARKETING“

REZ Agencija je, u partnerstvu sa Agencijom ZEDA, 21. septembra 2011. godine organizovala radionicu u Žepču na temu „Marketing“ za 16 polaznika sa područja općina Žepče, Zavidovići i Maglaj. Cilj radionice bio je upoznati polaznike sa osnovama marketinga, objasniti tržišnu klimu, razvijanje marketinške strategije, te ih upoznati sa načinima na koje marketing može pomoći zainteresovanim stranama da dosegnu poslovne ciljeve i prate učinkovitost svojih marketinških aktivnosti. Radionica je organizovana u sklopu projekta MENTOR i namijenjena svim poduzetnicima koji žele biti poslovno uspješni, žele uspješne marketinške strategije koje uključuju provođenje promotivnih aktivnosti i aktivnosti oglašavanja.



POSJETA AMBASADORA KRALJEVINE HOLANDIJE ZENIČKO-DOBOJSKOM KANTONU

REZ Agencija je 20. septembra 2011. godine upriličila posjetu Nj.E. Ambasadora Kraljevine Holandije u BiH g. Voorst tot Voorsta i njegovih najbližih saradnika Zeničko-dobojskom kantonu. Ovom prilikom Nj.E. Ambasador se sastao sa premijerom Ze-do kantona g. Fikretom Plevljakom i njegovim saradnicima, a sastanku su prisustvovali i predstavnici REZ Agencije, Amela Malićbegović, direktorica i Senad Pašalić, menadžer za podršku malim i srednjim preduzećima.

Svrha ove posjete i sastanka je bila, prije svega, upoznavanje sa trenutnim ekonomskim kretanjima i zbivanjima u Zeničko-dobojskom kantonu, kao i predstavljanje gospođe Ellen van Reesch, novog zamjenika Ambasadora Kraljevine Holandije u BiH, koja će u narednom periodu voditi poslove ekonomske saradnje i razvoja između dvije zemlje.

Također, ovo je bila prilika da se rezimiraju i rezultati projekta SET u njegovoj finalnoj fazi implementacije ali i prethodnih projekata MENI i REXIS koje je Ambasada Kraljevine Holandije finansijski podržala i, u saradnji sa REZ Agencijom, implementirala na području Regije, a samim tim i na području Ze-do kantona, u posljednjih 7 godina. Svi projekti su

bili namijenjeni razvoju i podršci malih i srednjih preduzeća.

U okviru ove posjete Nj.E. Ambasador i njegovi najbliži saradnici su posjetili i nekoliko uspješnih preduzeća na području Ze-do kantona koja su kroz pomenute projekte, posredstvom REZ Agencije, uključena u razne aktivnosti u okviru njihove implementacije.

Preduzeća koja su posjećena su: PROGRAD doo Žepče, CROMONT doo Žepče, ČOSIĆPROMEX doo Usora i NAPREDAK dd Tešanj, gdje su se Delegaciji pridružili načelnici i predstavnici općina. Svako od pomenutih preduzeća je kroz neku od aktivnosti u okviru projekta SET (Support Export and Trade – Podrška izvozu i trgovini) došlo u priliku da uspostavi poslovnu saradnju sa nekim od holandskih preduzeća ili da aplicira za učešće u nekom od programa podrške koje u svom radu sa malim i srednjim preduzećima već dugi niz godina podržava i promovira Vlada Kraljevine Holandije putem nadležnih ministarstava.

Zahvaljujući saradnji uspostavljenoj između Ambasade Kraljevine Holandije i REZ Agencije ovi programi su dostupni i bosanskohercegovačkim preduzećima.

POSJETA POSLOVNE DELEGACIJE IZ REGIJE CENTRALNE BIH SAJMU WOONBEURS AMSTERDAM - HOLANDIJA

U periodu od 26.09. – 29.09.2011. godine u zajedničkoj organizaciji REZ Agencije i FIRMA projekta, a u okviru realizacije projektnih aktivnosti SET programa, organizovana je posjeta predstavnika pet drvnoprerađivačkih preduzeća iz regije Centralne BiH, jednom od većih sajmova dizajna namještaja, uređenja unutarnjih prostora i drvnoprerađivačke industrije Woonbeurs Amsterdam – Holandija, sa ciljem povećanja izvoza iz Regije.

Ovaj sajam već godinama okuplja najznačajnije firme iz ranije pomenutih oblasti sa područja cijele Holandije ali i ostalih zemalja EU, Italije, Njemačke, Belgije, Švicarske, Francuske, Švedske. Ove godine na prostoru od preko 35.000 m² bilo je prisutno preko 300 izlagača iz ranije navedenih zemalja.

Pored proizvodnih preduzeća, sajam svake godine okupi i veliki broj dizajnera, prodajnih agenata i preduzeća koji traže mogućnosti stvaranja novih kontakata i uspostave poslovne saradnje sa novim preduzećima/proizvođačima i dobavljačima.

Upravo ova činjenica je i bila razlog što smo organizovali

ovaj posjet sajmu i kao gosti i posjetioci sajma imali priliku da uspostavimo brojne kontakte direktno sa preduzećima izlagačima ali i sa nekoliko konsultantskih kuća koje za potrebe svojih klijenata, prije svega u Holandiji, kontinuirano traže mogućnosti pronalaženja novih kooperanata, partnera i dobavljača.

Našu delegaciju su činili predstavnici preduzeća iz Centralne BiH: PROGRAD doo Žepče, Entasis doo Zenica, Promo doo Donji Vakuf, Vesna – S doo Bugojno, Mićan doo Boljanić, te predstavnik FIRMA Projekta BiH i predstavnik REZ Agencije.

Tokom boravka u Holandiji za naše poduzetnike organizovali smo i individualne sastanke sa predstavnicima dvije konsultantske kuće koje direktno traže nove poslovne partnere za svoje klijente (holandska preduzeća) ali i mogućnosti apliciranja našim preduzećima na sredstva i programe koje pojedina ministarstva Kraljevine Holandije imaju na raspolaganju za jačanje sektora malih i srednjih preduzeća i samog preduzetništva. Ove aktivnosti i sama REZ Agencija već niz godina intenzivno promovise i realizira na području regije Centralna BiH.

POSJETA POSLOVNE DELEGACIJE IZ REGIJE CBIH SAJMU METALOPRERAĐIVAČKE INDUSTRIJE TIV HARDENBERG - HOLANDIJA

U periodu od 06.09. – 09.09.2011. godine u zajedničkoj organizaciji REZ Agencije i FIRMA projekta BiH, a u okviru realizacije projektnih aktivnosti SET programa, organizovana posjeta predstavnika pet metaloprerađivačkih preduzeća iz regiona Centralne BiH, jednom od većih sajmova metaloprerađivačke industrije u Holandiji, TIV HARDENBERG.

Ovaj sajam već godinama okuplja značajnije firme iz metaloprerade sa područja Holandije, Njemačke, Švicarske, Austrije i ostalih evropskih zemalja. Ove godine na prostoru od preko 40.000 m² bilo je prisutno preko 700 izlagača iz ranije navedenih zemalja.

Pored proizvodnih preduzeća, sajam svake godine okupi i veliki broj prodajnih agenata i preduzeća koji traže mogućnosti stvaranja novih kontakata i uspostave poslovne saradnje sa novim preduzećima/proizvođačima i dobavljačima.

Našu delegaciju su činili predstavnici preduzeća iz Centralne BiH: ČOSIĆPROMEX doo Usora, ZUPČANIK doo Tešanj, CROMONT doo Žepče, TERMOMATIK doo Zenica, Tvornica Tehnološke Opreme TTO dd Sarajevo, kao i predstavnik FIRMA Projekta BiH i REZ Agencije.

Tokom ove posjete naši poduzetnici su ostvarili veliki broj poslovnih kontakata, od čega su svaki pojedinačno regis-



trali 6 -7 potencijalno korisnih i obećavajućih kontakata sa mogućnostima poslovne saradnje u budućnosti.

Tokom boravka u Holandiji za naše poduzetnike organizovali smo i individualne sastanke sa predstavnicima dvije konsultantske kuće koje direktno traže nove poslovne partnere za svoje klijente (holandska metaloprerađivačka preduzeća) ali i mogućnosti apliciranja naših preduzeća na sredstva i programe koje pojedina ministarstva Kraljevine Holandije imaju na raspolaganju za jačanje sektora malih i srednjih preduzeća i samog poduzetništva u BiH.

KROZ SARADNJU PROJEKTA EURELSMED SA AGENCIJAMA NERDA, RARS, RDA NW, REDAH, REZ I SERDA SADA JE POKRENUT SISTEM VAUČERA ZA MSP

Zahvaljujući vaučeru, mala i srednja preduzeća ostvaruju lakši pristup kvalitetnim konsultantskim uslugama i obuci, te dobivaju mogućnost da postanu konkurentnija.

Šta je to sistem vaučera za MSP?

Sistem vaučera je program podrške za MSP čiji je cilj poboljšanje konkurentnosti i omogućavanje rasta i razvoja kompanija koji bi trebao doprinjeti jačanju i poboljšanju kvaliteta usluga poslovne podrške u Bosni i Hercegovini.

Vrijednost vaučera je stimulatívno sredstvo za povećanje potražnje za konsultantskim i uslugama obuke time što se pomoću vaučera subvencionira značajan dio troškova za ove usluge.

Ko se može prijaviti?

Vaučeri su dostupni širom zemlje za mala i srednja preduzeća registrovana u proizvodnom, prerađivačkom, građevinskom sektoru i sektoru usluga, a po definiciji to su preduzeća ili organizacije koje imaju do 250 uposlenih.

Za što se možete prijaviti?

Sistemom vaučera obuhvaćena su tri programa pomoći za koje se vaučeri mogu iskoristiti kao djelomično plaćanje.

Strateški pregled/dijagnoza MSP

Dvodnevna procjena stanja Vašeg poslovanja – na jasan i nov način ukazati će na prioritete i prilike za vaše preduzeće, te identificirati potrebe za posebnim vrstama konsultantskih usluga. Ovaj program subvencionira troškove u iznosu od 100% (besplatan).

Konsultantski zadaci za MSP

Rješavanje specifičnih potreba vašeg preduzeća – nova poslovna strategija, unapređenje marketinga, efikasnija organizacija, bolja finansijska kontrola ili bolja kontrola kvalitet. Ovim programom se subvencionira 75% troškova i do deset konsultantskih dana za preduzeća osnovana prije manje od dvije godine, te 50% troškova i do petnaest konsultantskih dana za preduzeća koja postoje duže od dvije godine.

Obuke za menadžere MSP

Dvodnevni kursevi obuke koji obrađuju specifične teme – uključujući nove marketinške alate, izradu boljih poslovnih planova ili unapređenje finansijske kontrole. Ovim programom se subvencionira 50% troškova obuke.

Ko pruža usluge poslovne podrške?

Naglasak je stavljen na osiguravanje izuzetno kvalitetnih konsultanata i trenera koji će pružati usluge poslovne podrške. Svi konsultanti i treneri su prošli posebnu obuku, gdje

su u okviru posebnih vaučer programa morali biti pojedinačno akreditirani za pružanje usluga poslovne podrške. Preduzeća mogu odabrati akreditiranog konsultanta ili trenera sa liste onih koji su završili kurs obuke i prošli akreditaciju iz programa i teme za koje je potrebna podrška. Liste raspoloživih konsultanata i trenera objavljene su na web stranicama agencija koje su administratori sistema vaučera.

Kako funkcioniše sistem vaučera?

Preduzeće podnosi prijavu za strateški pregled/dijagnozu jednom od administratora. Kada prijava bude odobrena i kada preduzeće odabere konsultanta, dobiti će vaučer i strateški pregled tog preduzeća se može obaviti. Izvještaj o obavljenom strateškom pregledu preduzeća sadržavati će dijagnozu poslovanja i preporuke za daljnju podršku. Daljnja podrška u svrhu unapređenja poslovanja može se pružiti nakon što se usaglase prioritete za konsultantski zadatak. Slijedi potpisivanje ugovora sa odabranim konsultantom (koji ne može biti osoba koja je izvršila strateški pregled). Zatim preduzeće dobiva vaučer i tada se zadatak može početi izvršavati. Po završetku zadatka, preduzeće će dobiti izvještaj, a potrebno je popuniti i evaluacijski obrazac.

Kad je riječ o obukama, akreditirani treneri će pokrenuti provođenje obuka, a iste će promovirati i administrator. Vlasnici i menadžeri preduzeća za vaučere mogu se prijaviti kod administratora kako bi učestvovali u obukama na željenu temu.

Način plaćanja

Naknada po danu za sve konsultante, kako za strateške preglede tako i za ugovorene konsultantske zadatke, fiksna je i iznosi 280 KM bez PDV-a. Naknada za svakog učesnika, za svaku obuku je fiksna i iznosi 230 KM. U ovaj iznos uključeni su materijal za obuku i osvježjenje (zakuska/piće). Po završetku strateških pregleda, ili konsultantskih zadataka, preduzeće će konsultantima i trenerima izmiriti svoj dio ukupnih troškova usluge, te predati vaučer za pokrivanje ostatka troškova.

Kako se prijaviti?

Obrasci za prijavu za svaki program vaučera nalaze se na web stranici EURELSMED i na web stranicama svih administratora sistema vaučera širom zemlje, a iste se mogu skinuti sa web stranica ili podnijeti u printanoj verziji.

Gdje se prijaviti?

Vaučeri su na raspolaganju u čitavoj Bosni i Hercegovini, dokle god su raspoloživa finansijska sredstva za iste. Prijave se mogu podnijeti administratoru sistema vaučera koji je najbliži datom preduzeću.

USVOJENA STRATEGIJA RAZVOJA OPĆINE TRAVNIK ZA PERIOD OD 2011. DO 2015. GODINE


Na 34. redovnoj sjednici Općinskog vijeća Travnik, održanoj 27.09. 2011. godine, usvojen je prijedlog Strategije razvoja općine Travnik za period 2011.-2015.godina.

U procesu izrade ovog dokumenta aktivnosti je vodila i koordinirala Služba za razvoj, privredu i vodoprivredu Općine, a stručnu pomoć pružili su članovi Komisije za planiranje općinskog razvoja sastavljene od predstavnika svih oblasti života lokalne zajednice.

Strategija razvoja općine Travnik, kao osnovni planski dokument lokalne politike, ukazuje na pravce budućeg razvoja Općine i treba da posluži kao osnov za izradu sektorskih

strategija kao što su Strategija turizma, poljoprivrede, privrede itd.

Prije zvaničnog štampanja i objavljivanja Strategije razvoja neophodno je izvršiti korekcije u skladu sa zaključcima Općinskog vijeća kao i lektorisanje dokumenta nakon čega će se dokument objaviti na web stranici općine Travnik.



SEMINAR ZA UPOSLENIKE OPĆINE TEŠANJ

Na prijedlog općine Tešanj predstavnici REZ Agencije su održali četvorodnevni seminar iz oblasti upravljanja projektnim ciklusom za općinske uposlenike. Polaznici obuke su upoznati sa općim principima i EU metodologijom upravljanja projektnim ciklusom (PCM), a posebna pažnja je bila posvećena ulozi menadžera projekta u vođenju i realizaciji projekata, te značaju internog monitoringa za njihovu uspješnu realizaciju. Na konkretnom primjeru projekta uspostavljanja poslovne zone, kao jednog od projekata koji imaju strateški značaj za općinu, urađena je Logička matrica za projekt uspostavljanja poslovne zone. Logička matrica/Logički okvir je polazni dokument za izradu projekata i predstavlja šematski prikaz projekta u standardiziranom formatu, a jedan je od obaveznih dokumenata u projektnim aplikacijama EU i drugih donatora. Edukaciji, koja je održana u periodu od 28. septembra do 06. oktobra 2011. godine, prisustvovalo je 14 uposlenika općine Tešanj.



Detalj sa radionice

Podrška razvoju infrastrukture

RADIONICE ZA NAŠE OPĆINE

U prostorijama REZ Agencije 18. i 19. jula 2011.godine održala se dvodnevna radionica na temu „Marketing plan i struktura marketing plana poslovne zone“ za općine Doboj-Jug, Gornji Vakuf-Uskoplje, Maglaj, Vitez i Zavidovići. Radionica se organizovala kroz SET projekt a u saradnji sa Njemačkim Društvom za međunarodnu saradnju-GIZ koje provodi program tehničke podrške općinama Centralne BiH za razvoj industrijskih i poslovnih zona.

Za pomenute općine 05. septembra u prostorijama REZ Agencije je organizovana radionica na temu „Prezentacija nacrt marketing plana poslovne zone“. Prezentacija nacrt marketing planova je posljednja u nizu radionica u okviru aktivnosti pružanja asistencije općinama za razvoj poslovne infrastrukture i u svrhu poboljšanja poslovne infrastrukture i uslova za investiranje u regiji Centralna BiH u okviru SET Projekta.

Prezentacija završenih poslovnih planova održati će se početkom oktobra 2011.godine za svih 5 općina uz prisustvo načelnika i uposlenika općina, REZ Agencije i medija.



U prvom ciklusu radionica za poslovnu infrastrukturu učestvovala su općine Kakanj, Tešanj, Travnik i Žepče koje su krajem 2010. godine završile izradu Marketing planova poslovnih zona.

IPA PREKOGRANIČNI PROGRAM HRVATSKA-BOSNA I HERCEGOVINA 2007-2013. – DRUGI POZIV

Delegacija Evropske unije u Bosni i Hercegovini je objavila drugi poziv za podnošenje prijedloga programa za grant sredstva unutar IPA prekograničnog programa Hrvatska-Bosna i Hercegovina 2007-2013. (IPA Component II – Cross-Border Cooperation Cross-Border Programme Croatia-Bosnia and Herzegovina 2007-2013). Poziv je objavljen 05. septembra sa ciljem podsticanja stvaranja prekogranične saradnje i partnerstva; podsticanja razvoja zajedničkih prekograničnih aktivnosti revitaliziranja privrede, zaštite prirode i okoline, te unapređenja socijalne povezanosti na programskom području.

Ukupni fond za obje države iznosi 5.400.000 € (min. 50.000 €, a max. 300.000 € po grantu). Učešće Evropske unije je najviše 85% ukupnih troškova projekta.

Rok za dostavljanje projektnih prijedloga je 05. decembar 2011. do 16:00 sati po lokalnom vremenu.

Projektni prijedlozi dostavljaju se na adresu:

Joint Technical Secretariat

Cross-Border Programme Croatia-Bosnia and Herzegovina
Ministry of Regional Development, Forestry and Water
Management

Trg kralja Petra Krešimira IV br.1

10000 Zagreb

Croatia

Sve dodatne informacije kao i kompletna dokumentacija koja se odnosi na ovaj Poziv dostupna je na web stranici <http://www.cbc-cro-bih.net/>

Projekti u zajednici

OBNOVA PODRUČNE ŠKOLE U HAN BILOJ

Regionalna razvojna agencija za regiju Centralna BiH već niz godina implementira projekte u zajednicama sa različitim holandskim organizacijama, koji imaju za cilj poboljšanje uslova učenja učenika u osnovnim školama. Ove godine Osnovna područna škola u Han Biloj, općina Travnik je odabrana za implementaciju jednog projekta.

U periodu od 12.09.2011. do 16.09.2011. u školi su obavili volonteri organizacije holandskih veterana „Eindhoven Veteranen Actief” i izvodili su sljedeće radove: rekonstrukcija sanitarija i zamjena vodovodnih instalacija u školi, postavljanje nove rasvjete, farbanje unutrašnje i vanjske stolarije, farbanje i krečenje učionica i ostalih prostorija škole, postavljanje podnih obloga, te uređenje školskog dvorišta.

Simbolična primopredaja škole upriličena je 16.09.2011. uz prigodan program koji su pripremili učenici i nastavnici škole.



SANACIJA PODRUČNE ŠKOLE “VINIŠTE”

REZ Agencija je izgradila odličnu saradnju sa donatorskim organizacijama iz Holandije sa kojima je implementirala već 24 projekata širom regije Centralna BiH. Uspostavljena je odlična



Škola nakon sanacije

saradnja sa organizacijom vojnih veterana “Stichting Veteranen Actief” koji su ove godine odabrali Osnovnu školu “Žepče”, područno odjeljenje “Vinište”, za implementaciju jednog projekta.

Radovi su izvođeni od 11.09.2011. do 17.09.2011. godine a obuhvatali su sljedeće aktivnosti: zamjena dotrajale drvene stolarije – postavljena je PVC stolarija u svim učionicama i ostalim prostorijama škole, zamjena ulaznih vrata – postavljena su PVC vrata, potpuno renoviranje sanitarija, farbanje fasade, farbanje i krečenje svih prostorija u školi, zamjena rasvjete – ugrađeno je neonsko svjetlo u svim prostorijama škole i na ulaznim vratima, rekonstrukcija prilaza školi – poravnanje terena i postavljanje betonskih ploča(kocki).

Učenici i nastavnici su pripremili zanimljiv program koji je uveličao simboličnu primopredaju škole koja je bila upriličena 16. septembra 2011. godine.



Regionalna razvojna agencija za regiju Centralna BiH

Štrosmajerova 11, 72000 Zenica, BiH

Tel: +387 32 462 161, Fax: +387 32 441 230,

E-mail: info@rez.ba, www.rez.ba